

ipsis largiri placuerit, hospitalitatis gratia exigente. Obeunte vero te, nunc eiusdem loci abbate, vel tuorum quorumlibet successorum, nullus ibi qualibet subreptionis astutia seu violentia preponatur, nisi quem fratres communi assensu vel fratrum pars consilii sanioris secundum deum et beati regulam providerint eligendum. Electus autem iuxta Cluniacensium vel Irsaugientium ordinem sine pravitate et exactione aliqua consecratur. Interim autem in describendis, providendis seu disponendis rebus monasterii episcopus nullatenus se immisceat, sed tantummodo electam personam congrua benedictionis reverentia et^a regiminis cura investiat. Nullus ergo hominum idem cenobium audeat temere perturbare vel eius possessiones auferre aut ablatas retinere, minuere, seu quibuslibet molestiis fatigare, sed omnia integra conserventur eorum, pro quorum sustentatione et gubernatione concessa sunt, usibus profutura. Si qua igitur in posterum ecclesiastica secularisve persona, hanc nostre constitutionis paginam sciens, contra^b eam temere venire temptaverit, secundo tertiove commonita, si non reatum suum congrua satisfactione correxerit, potestatis honorisque sui dignitate careat reamque se divino iudicio existere de perpetrata iniquitate cognoscat, et a sacratissimo corpore et sanguine dei ac redemptoris nostri Iesu Christi alie[na]^c fiat atque in extremo examine districte ultioni subiaceat. Cunctis^d autem eidem loco, que sua sunt, servantibus sit pax domini nostri Iesu Christi, quatinus et hic fructum bone actionis percipiant et aput districtum iudicem premia eterne pacis inveniant. Amen.

(R) Ego Victor catholice ecclesie episcopus ss. (M.)

† Ego Ymarus Tusculanus episcopus ss.

† Ego^e Hubaldus episcopus ss.

† Ego Iohannes presbiter cardinalis tit. sanctorum Silvestri et Martini ss.

† Ego Gudo^f presbiter cardinalis tit. Calixi^g ss.

† Berardus diaconus cardinalis^h sancti Sergi(i) ss.

† Ego^e Lando diaconus cardinalis sancti Angeli ss.

† Ego Iohannes diaconus cardinalis sancte Marie in Aquiro ss.

Data Papieⁱ, per manum Gerardi, sancte Romane ecclesie subdiaconi. XI. Kal. Mart. Indictione VII. Anno

a) Das 'a' über Buchstabenweite abgerückt, 'et'-Zeichen übergeschrieben. b) Es steht nur 'con'. c) 'na' abgescheuert. d) So in der Urkunde, statt 'cunctis'. e) Es steht 'go', dicht an das Kreuz gerückt. f) So, statt 'Guido'. g) So, statt 'Calixti'. h) 'Berardus diaconus cardinalis' auf Rasur. i) 'Papie' steht zweimal.